



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus II. Quotuplex sit confirmatio?

[urn:nbn:de:hbz:466:1-73001](#)

divino introductæ. Plura ejusmodi gesta accedente Superioris autoritate valorem, concedente, passim in utroque jure reperire est.

ARTICULUS II.

Quotuplex sit confirmatio?

3011.

Communis doctorina tradit, quod confirmatio, quam Princeps sive Ecclesiasticus, sive secularis facit de aliquo, v.g. statuto, contractu, Judicis sententia, privilegio, vel jure, duplex sit; una, quæ dicitur *simplex*, nimirum in forma communi, & ordinaria, de qua gloss. in c. si quis i. h. t. V. Confirmationem; & Partol. in L. privilegia, C. de Sacrosanct. Ecclesiis; altera, *specialis*, quæ etiam dicitur facta ex certa scientia; eò, quod hæc contingat penitus negoti circumstantiis, & expensis omnibus ejus qualitatibus; illa vero, quando Superior nullæ, vel saltem non speciali causæ cognitione præcedente confirmat actum, ab inferiore gestum, ut tradit Gonzalez in c. Ex parte. 2. h. t. n. 5. ubi ait: licet utraqùè confirmatio in eo conveniat, quod per utramque corroboretur actus; in eo tamen differant, quod confirmatio in forma communi tantum corroboret, quod legitime actum est: confirmatione vero ex certa scientia, quod invalidè gestum est. quamvis paulò ante n. 3. dixerit: confirmationis subiectum esse propriè actum validum, ex quo jus quæsitiū jam est, his præmissis:

3012.

Quæstio est, unde cognosci possit, confirmationem à Superiori datam esse in forma communi, vel speciali? Resp. ex Cardinal. Tuscho V. Confirmation, conclus: 708. n. 10. Suarez de Legib. I. 8. c. 18. n. 7. & aliis, confirmationem semper censeri factam in forma communi, & ordinaria, quando datur simpliciter, nimirum sine ullo signo, vel clausula, indicante confirmantem apponere suam autoritatem, habità sufficienti cognitione de re, quam confirmat, ejusque defectu, à se Supplicable, sè quo labore, ubi vero ex rescripto confirmationis deprehenditur, quod confirmans sufficientem rei cognitionem habuerit, rite perpensis omnibus, quæ necessaria sunt, ut res à confirmante,

majus robur, vel defectus, quo laborat, ablationem, atque adeò validitatem accipiat, censeri factam in forma speciali; ita Layman in c. 1. h. t. & alii communiter. Hinc communis sententia est, confirmationem esse datam in forma speciali, si confirmans in ipsis literis, seu rescripto confirmationis apponat clausulam ex certa scientia; nam eo ipso significare intendit, se cum plena causæ, seu facti cognitione, dispositionem, vel actum confirmasse.

Hoc ipsum explicat Clemens V. Constitutione suā in Concil. Viennensi, relatâ Clementuncia de probat. ibi: *Literis nostris*, quibus nos Dignitates quaslibet, seu beneficia, collationi nostræ, vel Sedis Apostolicæ reservâsse, aut resignationem beneficii alicujus recepisse, vel recipiendi potestatem alii commississe, vel aliquem excommunicâsse, seu suspendisse, seu aliquem Capellanium nostrum, vel familiarem fuisse, vel alia similia, super quibus gratia, vel intentio nostra fundatur, fecisse narramus, censemus super sic narratis fidem plenariam adhibendam; Volentes ad præterita, & pendientia (etiam per appellationem) negotia, hoc extendi. Ex hoc enim textu deducitur: verba litterarum Apostolicarum, quibus Papa proprium factum narrat, plenè probare, si super illis gratia vel intentio ejus fundetur; sed quando in literis suis, seu rescripto confirmationis narrat, se procedere ex certa scientia, consequenter speciali consideratione negotii, de cuius confirmatione agitur, intentionem confirmandi, consequenter vim & robur ei, quod confirmat, tribuendi, fundat super certa ejus scientia; ergo.

Sed quæres, an tunc solùm rectè concludamus, confirmationem esse in forma speciali; quando ei apponitur dicta clausula: ex certa scientia? Resp. negativè. Nam idem dicendum est i. si Confirmationi tenor dispositionis confirmatæ inseratur; dubium enim eo casu non est, Confirmantem ejus scientiam habuisse; adeoque non obstante defectu aliquo (à se separabili, & sanari solito, nec afferente prejudicium tertio) dispositionem illam, vel actum, firmare, aut etiam validare voluisse, juxta c. Venerabilis 8. h. t. ubi habetur, quod, cum inter Regem Cypr.,

26

ac Barones, milites, aliosquè homines ejus Regni, & Archiepiscopum Nicosensem, mediante Apostolicæ Sedis Legato, amicabilis compositio intervenisset, expressè adjecto, ut post confirmationem Pontificis, statim executioni mandaretur; sed eā licet obtentā, & tenore compositionis ad majorem rei evidentiā inserto, illi, ad quos Pontifex hic scribit, observare renuerint, prætendentes, tum quod in literis verbum confirmationis tenorem compositionis, iuxta stylum curiæ Romanæ præcedat; tum quia clausula *sicut sine prævitate provide facta est* in eisdem literis contineatur; qua oppositione non obstante, mandavit idem Pontifex, si præmissis veritas suffragetur, compositionem eandem impleri.

3015. Ex hoc textu sequitur, rescriptum confirmationis, cui tenor v. g. transactionis, conventionis, privilegij, vel alterius dispositionis insertus est, quoad juris effectus, æquivalere rescripto ex certa scientia, consequenter confirmationi speciali, seu facta ex certa scientia, prout ex eod. deducunt glossa V. sicut in cit. c. 8. & complures alii apud Barbos. ibid. *Tenor compositionis*, n. 2. Sanchez l. 7. cit. c. 29. n. 144. & alij. Et notandum, tenorem actus confirmandi, rescripto confirmationis dupliciter inserti posse. 1. formaliter, exprimendo Specificè ipsa verba instrumenti super tali actu, cuius confirmation petitur, confessi; 2. solim æquivalenter, apponendo clausulam, quorum tenores pro expressis habere volumus, acsi de verbo ad verbum inserti essent. Si tenor privilegii formaliter insertus sit rescripto confirmationis, non est dubium procedere resolutionem datam n. 3014.

3016. Dubitari posset, an idem sit, si tenor ejus insertus sit rescripto solim æquivalenter, nempe per eam clausulam: quorum tenores, quæ communiter apponi solet, quando derogandum est aliis constitutionibus prioribus; quæ postulant specificam derogationem, ut rescriptum posterius adversus illas prævaleat. Sed dicendum 2. quod & hæc perinde operetur, acsi earundem obstantium posteriori rescripto constitutionum tenores, de verbo ad verbum, ac individuo exprimentur; sic Baldus in L. *Omnes. C. de præscript.* 30. ann. Francus, c. *præsentiam*,

de testam in 6. Et ideo Pyrrhus Corradus in Praxi dispensat. Apostol. I. 10. c. 4. à n. 20. docet, quod clausula hæc, in Papæ rescriptis, plenitudinem potestatis ostendat; & per illam voluisse omnia, in contrarium facientia, tollere, Satis colligatur ex illis verbis, non obstantibus, &c. quorum tenores Pro expressis &c. Ratio hujus est, quia hoc ipso, quod Pontifex utatur hæc clausulâ, duo se intendere significat 1. quod actum, quem taliter confirmat; quantum est vi sua potestatis, velit efficaciter firmare; 2. quod omnia piæ contrarium facientia, in quantum huic suæ constitutioni contrariantur, & sibi subsunt, tollere, nec enim adstringendus est, ut individualiter singula exprimat, cum id sit moraliter impossibile, ut rectè ostendit Corradus locus cit. à n. 21.

Dubitati potest. 2. an rescriptum confirmationis censeatur in forma speciali, si Pontifex in eodiceret non obstante c. porrecta, ubi notandum capitulum esse sextum. h. t. ubi Innocentius III. porrecta: inquit nobis ex parte tua petitio continebat, quod plures ex Religiosis, qui Prioratibus & aliis administrationibus præsunt, à nobis super ipsis, quoad vixerint possidendi, confirmationis literas se asserunt impetrasse, quarum occasione, bona ipsorum Prioratum distrahunt, & consumunt, afferentes se sibi quoad Prioratus illos nullâ ratione subesse: cui respondens Pontifex: cum igitur à Cancelaria nostra hujusmodi literas emanasse non credamus: mandamus, quatenus illos, qui tales literas exhibuerint, in quibus Prioratus, vel administrationes, tanquam Religiosis confirmantur, eosdem punias, tanquam falsitatis Autores; si verò in eis non sit mentio religionis ipsorum, illas, tanquam tacitâ veritate subreptitias denunties: non valere.

Circa hunc textum notant communiter Doctores, rescriptum confirmationis in quo continetur aliquid, quod de stylo, & consuetudine non solet concedi, suspetum redi de falso, consequenter non datum ex certa scientia, nisi hoc ipsum vel expressis terminis formalibus, vel æquivalentibus in eo contineretur; unde subnascitur dubium, an, quando Pontifex in rescripto confirmationis expressè

Ccccc 3 dero-

derogat illi capitulo per clausulam (*non obstante c. porrecta*) censeatur confirmatio facta *specialiter*, seu ex certa scientia? affirmativam tradit Sanchez cit. l. 7. in Decal. c. 29. n. 144. quod omnino, videtur procedere, saltem, ut tale prescriptum non censeatur falsum quoad illud punctum, seu effectum, quem alias induceret dispositio in *c. porrecta*, ne scilicet litteræ emanantes ex Curia *præter stylum ejus*, præsumantur *subreptitiae*, & quandoque *falsa*, quod alia fieret omissa tali derogati.

3019. Præter hæc not. juxta Sanchez cit. confirmationem censeri factam *ex certa scientia*, quoties emanat secunda iussio; id, quod apud eund. loc. cit. tenet Antonin: Jo. Andr. Hostiens. Abbas, & alii. Not. 2. juxta Pirhing h.t. n. 8. etiam per istam clausulam (*de plenitudine potestatis* (imò & illam) *non obstante quacunque lege*, *aut consuetudine in contrarium*) confirmationem censeri factam *ex certa scientia*; quia per hujusmodi clausulam significat Papa, vel Princeps, se velle confirmationem date, non secundum commune jus, sed supra vel contra jus ordinarium; quod non præsumitur facere, nisi *ex certa scientia*.

3020. Verum circa postremam hanc clausulam (*non obstantibus*) plura movet Vincentius de Justis l. 1. dispensat matrimonialium, c. 6. à n. 347. Nam licet, juxta ipsum, magnum operetur effectum, ex e. cùm aliquibus 4. de Rescriptis in 6. ubi dicitur, à Canonice *authoritate Apostolica* posse quem recipi in Canoniam aliud Ecclesiæ, licet alias receptio ad eos non pertineat si obtinuerunt *literas facultatis*, cum clausula *non obstantibus ejusdem Ecclesiæ privilegiis*, *juramento*, *confirmatione Apostolica*, *vel quacunque firmitate alias robora* (secundo, licet reddat validam, & confirmet expressa, per Menochium de arbitrariis Judic: casu 203. n. 13. l. 2. centur. 31. Sanchez l. 8. matr. D. 24. à n. 24. tertio. licet deroget decretis Concilii, pro quibus expressa non requiritur derogatio, juxta Barbos. in Trid. sess. 1. n. 2. quartò, licet tollat omnia, quæ gratiæ possent obstat, per Vivian: de jure Patronat. l. 13. c. 8. n. 155. licet, inquam, juxta ipsum, dicta clausula multos, & magnos effectus operetur; in pluribus tamen limitat vim ejus, & vir-

tutem. Nam 1. juxta eundem non derogat Regulis Cancellariae, nisi hoc expressè dicatur; 2. non tollit obstacula personalia; 3. non supplet gradum, seu aliud impedimentum in supplicatione non expressum; 4. nec quicquam operatur, si adiecta sit dispositioni, quæ nulla est; 5. nec tollit privilegium clausum in corpore juris; 6. nec statuta particularia; 7. nec subrepitionem, &c. Ex quibus appetat, dictæ clausulæ non in omnibus tribui æquipollentiam cum iis, quos diximus denotare confirmationem *specialem*, seu ex certa scientia.

Ratio hujus est; quia licet clausula *ex certa scientia*, non tollat impedimenta, quæ jure naturali, vel divino contrariantur dispositioni Principis (nam adversus hoc nihil potest humana potestas) extenditur tamen *ad omnia expressa* in dispositione, licet illis obstat impedimentum aliquod juris tantum humani, & dispensari possibilis, ac soliti à tali Principe; modò tale non sit, quod exigit *specialem expressionem* (qualis foret *inhabitatis personæ*) vel contineat *præjudicium tertij*. Nam ad hæc non extendit se clausula *ex certa scientia*, ut dicemus in seqq. Hinc, licet clausula (*non obstantibus*) nihil operetur, si adiecta sit dispositioni, quæ nulla est, ut vult de Justis citatus; contrarium tamen habet clausula *ex certa scientia*, relate ad nullitatem, provenientem ex jure humano, in quo talis Princeps dispensare potest, & solet; similiter, cùm Princeps dicendo, *se agere ex certa scientia*, dum efficaciter intendit confirmare actum sub tali clausula, eo ipso videatur significare, velle, ut actus valeat, secundum quod expressus est, licet ejus valori obstat jus commune, quod confirmanti subest; vel defectus, potestate suâ Sanabilis *juxtapicta*; eo ipso sanabit defectum iuris humani, alias auferri solutum; quod non videtur convenire illi soli clausulæ: *non obstantibus*; cùm non denotent, in apponente illam, cognitionem tam particulariem omnium prout id importat clausula, *ex certa scientia*.